

# Kue Mission Update

September 3, 2011



Taagkig nuav thaus 4:00 a.m. kuv pw tsi tsaug, vim kub sab kub quas lug yuav moog npaaj kev qheb kev tsim tsaaw pawg ntseeg nyob Udon. Suav txij le wb moog nyob Udon txij le lub 3 hlis ntuj lug wb tau npaaj ob peb yam rua kev tsim tsaaw pawg ntseeg tshwjxeeb yog wb lub chaw nyob. Wb nyob hotel tau ob lub hlis le maam nrhav tau tsev. Tom qaab ntawd wb le maam npaaj lub chaws ua dlejnum hab ntau phoojywg rua cov xwbfbw hab cov ntseeg Thaib nyob Udon. Lub 9 hlis nubtim 3 nuav yog kev qheb lub chaws ua dlejnum hab kev sim tsaaw pawg ntseeg CMA nyob Udon. Taag kig nuav thaus 10:00 a.m.-12:00 p.m. muaj txug le 100 tawm leej cov ntseeg hab thawjcoj tuaj nrug wb qheb wb lub chaws ua dlejnum hab kev tsim tsaaw pawg ntseeg nyob Udon. Ua Vaajtswv tsaug kws txhua yam moog tau rua qhov zoo. Cov xwbfbw tau tuaj foom koobmoov rua wb kev ua dlejnum zag nuav moog rua qhov zoo kawg kag. Puab qheb hlo puab lub sab lub ntsws foom koobmoov rua yug lug ntawm Vaajtswv lub npe hab Vaajtswv Txujlug kuas teg dlejnum wb ua nuav yuav vaammeej hab tsaaw tau pawg ntseeg sawv lug ua Vaajtswv dlejnum nyob Udon. Kuv lub neej muaj ob zag nkaus xwb kws kuv zoo sab tshaaj plawg ces yog 8 xyoo dlaus lug muaj ib tug xwbfbw Thaib foobmoob rua kuv thaus kuv moog qhuabqha nyob Nakhon Phanom es thaus muaj tuabneeg lug ntseegeeg hab leeg puab tej kev txhum hab zag nuav kws cov xwbfbw Thaib tuaj foom koob moov rua wb nub nua. Ua neej nyob tsawg tsawg zag tuabneeg txhaj foom koob moov rua yug lug ntawm luas lub sab dlawb plaug tag.

Cov tuabneeg tseemceeb kws tuaj koom qheb kev tsim tsaaw pawg ntseeg nub nuav yog thawj tsaavxwm Siam Mission, thawj tsaavxwm TCMA (GCT), thawj tsaavxwm Evangelical Fellowship of Thailand nyob saab Isan hab tug community leader nyob huv peb lub district nuav. Peb muaj kev pehawm Vaajtswv noog lug qhuabqha hab noj su uake tomqaab pehawm Vaajtswv tag. Pigkig yog peb thawj nub peb yuav muaj kev pehawm Vaajtswv kws yog nub Sunday.

Ua Vaajtswv tsaug rua pawg ntseeg Warren, MI kws tau paab \$2,700 rua wb ua qhov dlejnum. Hab ua Vaajtswv tsaug rua ib pawg ntseeg Thaib nyob Udon paab wb ua zaub mov peb txhaj tau su noj. Ntxiv rua nuav ua tsaug rua Nam Ntsuab Toog Lis hab nwg cov viv ncaug kws tau paab \$1000 rua wb yuav office equipments. Thov Vaajtswv foom koob moov rua mej txhua tug.

*Xwbfbw hab Nam xwbfbw Nom Lwm Kwm*

Udon Thani